



كلنا بندور ع الانسان
كلنا عايزين العيشه أمان
الظلم بيصبح ليه إدمان
ويقول انا قلبى حنين وحنان
قال إيه فى جبين الناس عنوان
عيل ف الفه بيتكلم
م الواقع يشكى ويتألم
للعدل ياناس الواد مشتاق
نفسه فى سلام نبع الأشواق
جؤفئه يا ناس طب ليه حرّاق
مولود فى الدنيا ومن
غير واء
والتانى علامه كمهندس
ف الاخرليه أصبح سواق

ودوانا أصبح ليه كالداء
والناس شغاله وشقيانه
واهى راضيه ولكن تعبانه
وما فيه ولا واحد قدرها
ولا كلمة شكر..؟
تمسح ف عيونها النعسانه
مليانه بفكر..؟
العيشه وصبحت إحباط
بالقسوه وصبحت تنشاط
والدنيا عليها السجانه
لكنها عايشه وآه ياانا
والشغل نشاط
وصاحبنا تايه فى الزحمه
ينهب فى فلوس
من عدها يضرب ميت لخمه
حاسب ده كابوس
والتانى ف سلطه بيتحكم

ويحارب حد بيتظلم
وعليه بيدوس
واهو عايش على دم غلابه
وعليهم زى الدبابه
فاسد واهو عايش فى الغابه
وطباعه من جنس دبابه
وايديه القذره بتنباس
والناس رقبته بتنداس
معدوم من كل احساس
طب فين الرحمه يا انسان
ما أخذت خصال الحيوان
تزوير مع ذل وبهتان